

Piz Mino - Il «patriarc calm» en la Val da Fain

Proposta dad Andrea Matossi

Pervia da sia posiziun centrala e sia autezza è el il piz determinant. Il Piz Minor porscha in grondius panorama e tut tenor cundiziuns, ina descensiun cun naiv pulvrusa sin la vart dal nord ni ina spunda cun naiv eterna sin la vart dal sid.

Sin l'emprim egliada porscha il Piz Minor en la Val Fain per skiunz nagut spezialmain excitant. La val è relativ planiva e surtut para ella lunga senza fin. Persuenter ils po sa prender temp per l'ascensiun, per observar la natira in pau pli exact. Fastiz da lieurs alvas cruschian la muntada, urblaunas e sur tut capricorns sa laschan scuvrir sin las spundas vastas. Cun in zichel cletg ins vesa perfin in'evla ni ina vulp. Tgi ch'è per via la fin da primavaira, entaupa forsa l'emprima muntanella che sgratta la sien d'enviern or dals egls. Il Piz Minor (3049.2m) è en mintga cas degn per in'excursiun. Maiestus trona en sur la Val da Fain e la Val Minor sper blers auter culms, ch'èn er adattadas per turas da skis. Il num «patriarc calm» che va bain cun il Minor, è vegnì attribuì d'in guid da muntogna indigen. .

La tura cumenza tar Bernina Suot (2046m) vi da la via dal Pass dal Bernina. Sur la punt ins cuntanscha la Val da Fain. Qua ins suonda il pli scort la via d'alp, che maina tar l'Alp la Stretta (2427 m). Da quella alp ins va vinavant sin l'autra vart da la val ed enavant sur punct 2581 tar il punct da sella 2831 meridiunal dal Muot Arduond. Ussa a vart dretga sur ina zona stippa sin il crest, da quel ins po cuntanscher ils dus bunamain medem auts piz. Il Piz Minor è il pli aut auzament da quella gruppa da muntognas e grazia a sia posiziun centrala porscha el ina grondiusa vista sin il mund da glatschers da la gruppa dal Bernina.

Quel che ha chattà durant l'ascensiun naiv pulvrusa sin las spundas vers nord, vegn probabel a pledar per la descensiun enavos en la Val da Fain. Era sch'il gir or da la val vegn a pretender in per stumpel cun ils fists.

Freaks da naiv eterna prefereschjan tar cundiziuns segiras la Direttissima vers la Val Minor e vinavant fin tar la staziun da val da la pendiculara Lagalb. Dentant pretenda quella senz'auter attractiva varianta sper naiv ideala era ina buna vista. La descensiun è spundiva (la spunda da piz sin radund 300 meters 30 grads) e vegn tar il passadi decisiv en Val Verda perfin fitg spundiv (35 fin 40 grads sin 150 meters). Dal crest tranter ils dus spitgs dal Piz Minor immediat engiu en direcziun sidvest fin circa 2780 m. Vinavant vers vest enturn il dies dal sidvest da punct 3042 en la foppa gronda da Paun Verd e vinavant en l'entagl da la Val Verda. Giu en la Val Minor e sin la vart dretga da la val fin tar la staziun da val da la pendiculara Lagalb (2107 m).

| | |
|----------------------------|---|
| Finamira | Piz Minor, 3049.2 m |
| Differenza d'atezza | 1000 m |
| Direcziun da spunda | nordvest, sidvest |
| Durada | 3 ½ uras |
| Punct da partenza | Bernina Suot (2046 m) vi da la via dal pass da Bernina |
| Difficultad | pauc difficultus (la descensiun en la Val Minor vegn validada sco pulit grev +) |
| Charta geografica | 1257 San Murezzan, 1258 La Stretta, 269 S Passo del Bernina |

Variantas: Sche la descensiun entras la Val da Fain è memia lunga, ins po er ir direct tras la Val Minor e suenter ascender sur las spundas sidvest (guarda descensiun) fin tar il piz. Cundiziuns da naiv segiras èn premissa. Tgi ch'è vidlonder baud e ha gust sin dapli po er anc ascender il Piz dals Lejs (3044 m) ni il Piz Alv (2974.8 m). Da Val da Fain porscha anc dapli bels piz sco il Piz Pischa, il Piz Chatscheders ni il Piz la Stretta (rentablas turas da skis per la primavaira).

Funtauna Skitouren Graubünden, Verlag SAC, Engadin, Skitouren für Einsteiger und Geniesser, Bergverlag Rother

| | | |
|----------------------------|----------------|--|
| Dapli infurmaziuns: | Lavinas | www.slf.ch |
| | Aura | Engiadin'Ota |
| | Chamona | www.sac-bernina.ch |

La tura duess vegnir planisada bain, tar quai tutgan era ponderaziuns davart l'equipament e l'observaziun da las cundiziuns meteorologicas actualas.